

OPENBAAR LICHAAM



BONAIRE

Aan:  
Het bestuurscollege van het  
openbaar lichaam Bonaire  
d.t.k.v. de eilandsecretaris  
**ALHIER**

**Uw brief/kenmerk**

**Ons nr. ER2014-0230**

**Onderwerp:**  
Vragen dhr. Dirksz


**Bonaire, 31 maart 2014**

Geacht college,

Bijgaand treft u aan een schrijven van MBL-fractie leider Dirksz d.d. 30 maart 2014 met een zeventiental vragen betreft het beleid inzake de ezelsopvang.

De vragen zijn conform artikel 46 van het Reglement van orde wat inhoudt dat de antwoorden gegeven moeten worden tijdens het Vragenuur in de eerstvolgende eilandsraadvergadering.

Hoogachtend,




W.A. Cecilia MBA  
Griffier

**cc: ER-leden**

---

Verzoeken bij beantwoording van deze brief datum, nummer en onderwerp te vermelden.  
Post adres: Plasa Reina Wilhelmina 1, Kralendijk, Bonaire. Telefoon: + 599 717 5330. Telefax: +599 717 8416.



Kralendijk, 30 Mart 2014

**Na: Kolegio Ehekutivo Entidat Públiko di Boneiru  
Plasa Reina Wilhelmina # 1  
Boneiru, Karibe Hulandes**

Tópiko: preguntanan relashoná ku maneho di buriku na Boneiru

Apresiabel Kolegio Ehekutivo,

### Introdukshon

Últimamente e tópiko di e situashon rondó di buriku ta den publisidat kontinuo.

E grupo di interes "The citizens for a Better, Safer and Animal Friendly Bonaire" ku ta sali na interes di entre otro burikunan aki na Boneiru, a pidi un reunion ku Konseho Insular.

E komishon fiho "Ruimte & Ontwikkeling" a reuní dia 12 di Mart último ku e grupo mensioná i for di e reunion aki diferente punto interesante a bin padilanti ku na opinion di frakshon di MBL ta di preokupashon i ku ta kondusí na diferente pregunta.

Entre tantu Konseho Insular a risibí e kontrato entre Entidat públiko di Boneiru (OLB) i e Stichting Donkeys Help (DSB) ku ta hiba e maneho aktualmente pa loke ta trata e burikunan aki na Boneiru.

### Base hurídiko Reglamentu di Òrdu Konseho Insular.

Konforme artikulo 46 di Reglamentu di Òrdu (*Reglement van Orde*) di Konseho Insular nos ta deseá di risibí kontesta bokal durante di e próksimo reunion di Konseho Insular riba e siguiente preguntanan.

Pregunta 1 - Kolegio Ehekutivo ta di akuerdo ku mester deliniá mas kla posibel den e kontrato ku no por ta e intenshon di gobièrnu di Boneiru pa eliminá burikunan di Boneiru den nan totalidat?

Pregunta 2 – Kolegio Ehekutivo ta suprayá e echo ku si e fundashon DSB laga kastrá ("castrate") tur buriku maskulino ku esaki ta nifiká ku lo no tin reprodukshon di buriku na Boneiru mas i eventualmente esaki lo rifiká eliminashon di e burikunan na Boneiru?

Pregunta 3 - Si eliminashon di burikunan ta den e plan di gobièrnu su maneho òf pensamentu, ki dia Kolegio Ehekutivo tin pensa di partisipá esaki públikamente?

Pregunta 4 – Kolegio Ehekutivo ta di opinion ku mester tin un plan pa garantisá e balanse ekológiko pa loke ta trata e burikunan riba nos isla?

Pregunta 5 – Si aksidente entre vehíkulan motorista i burikunan ta un problema riba nos kareteranan, di kon ta kastrá, marka (tag) i despues ta manda e burikunan maskulino bek den libertat kaminda ku nan ta bolbe drenta den áreanan habitá i ta sigui frekuentá kantu di kareteranan públiko ku e mesun posibilidat di sigui kousa aksidente?

Pregunta 6 - Frakshon di MBL a komprondé ku diferente persona i kunukeronan ta enkontra burikunan maskulino den kondishonnan hopi debil despues ku nan a wòrdu kastrá i ku mayoria di biaha e burikunan maskulino ku a wòrdu kastrá ta bin fayesé debí ku nan no a risibí e tratamentu (nazorg) adekuá pa trata e heridanán despues di e operashon. Tin diferente potrèt saka di burikunan ku ta marka na nan orea ku a fayesé despues. Kolegio Ehekutivo tin mas informashon riba e punto delikado aki?

Pregunta 7 – A base di kua kriterionan Kolegio Ehekutivo a disidí na sera e kontrato aktual ku e fundashon DSB pa kaptura tur buriku, eliminá esnan ku ta malu i kastrá esunnan maskulino?

### **MOVEMENTU BONEIRU LIBER**

**Passangrahan – Plasa Reina Wilhelmina - Bonaire, Dutch Caribbean**

**Tel: (599) 717-4008 / Fax: (599) 717-4049 / E-mail address: [movementu@gmail.com](mailto:movementu@gmail.com) / [www.vota-mbl.com](http://www.vota-mbl.com)**

**Bank: Maduro & Curiel's Bank (Bonaire) N.V. Account number 403.496.01 / Chamber of Commerce number 7687**

Pregunta 8 – Kolegio Ehekutivo por fasilitá Konseho Insular ku kopia di e “Ezelbeleidsplan Bonaire” di 15 di oktober 2012?

Pregunta 9 - Kolegio Ehekutivo por fasilitá Konseho Insular ku kopia di e rapòrtan òf notulonan di e reunionnan ku DSB mester entrega na direktorado di R & O kada 3 luna segun artíkulo 2 insiso 2 i/òf artíkulo 2 insiso 3 di e konvenio entre OLB i DSB?

Pregunta 10 – Kolegio Ehekutivo por informá Konseho Insular kuantu buriku a wòrdu atrapa, kuantu a wòrdu kastrá i laga bek den libertat i kuantu a wòrdu sakrifiká kaba?

Pregunta 11 – Kolegio Ehekutivo a laga hasi un òf mas estudionan di impakto ku un Boneiru sin buriku?

Pregunta 12 – Kolegio Ehekutivo ta kompartí e pensamentu ku e burikunan tin un balor agregá na nos kultura i pa turismo?

Pregunta 13 – E grupo “The citizens for a Better, Safer and Animal Friendly Bonaire” a splika e komishon fiho di R & O ku nan tin otro métodonan ku por usa pa sterilisá buriku. Kolegio Ehekutivo por informá serka e fundashon ku ta manehá “Donkey’s Sanctuary” si nan konosé otro método mas humano pa sterilisá burikunan?

Pregunta 14 – Kolegio Ehekutivo tin un plan òf lo laga diseñá un programa di konsientisashon (bòrchinan, lusnan etc) pa automobilistanan riba ekseso di velosidat i áreanan di prekoushon kaminda ku por enkontra e burikunan?

Pregunta 15 – Kolegio Ehekutivo tin un plan òf lo laga diseñá un programa di konsientisashon pa turistanan pa evitá ku ta duna e burikunan kuminda kanto di kareteranan pa asina evitá e kustumber ku burikunan lo aserka sitionan pega ku kareteranan pa buska kuminda?

Pregunta 16 – Kolegio Ehekutivo tin un plan pa huntú ku otro ekspertonan sondia un òf mas área (ku e turista den mente) kaminda ku e burikunan lo por permanesé den naturalesa kaminda ku nan por haña sufisiente awa i alimento pa asina evitá ku nan mester drenta den áreanan habitá pa buska kuminda ku awa?

Pregunta 17 – Den fin di e siman ku a pasa e grupo di “The citizens for a Better, Safer and Animal Friendly Bonaire” a risibí informashon ku e investigashon di DNA ku nan a laga hasi di e burikunan di Boneiru ta kuadra ku e deskripshon di e buriku di Afrika konosí komo “Nubian Ass” ku a wòrdu ampliamente deskribí den e buki tokante di animalnan skirbi pa Bart A. De Boer. Aparentemente e buriku di Boneiru konosí awor komo “Nubian Ass” ta wòrdu kategorisá komo animalnan den peliger di ekstinsyon. E asuntu di buriku awor a haña un kobertura internashonal ku e deskubrimentu sientífiko aki. Kolegio Ehekutivo por informá Konseho Insular si Kolegio Ehekutivo ta dispuesto pa laga para inmediatamente kastrashon i matamentu di burikunan i revisá e kontrato entre OLB i DSB di moda ku huntú ku mas ekspertonan òf un grupo manera “The citizens for a Better, Safer and Animal Friendly Bonaire” yega na un plan balansa i responsabel kon mester sigui atendé ku maneho di buriku di un forma mas humano riba nos isla?

Sperando e kontestanan bokalmente den e próksimo reunion di Konseho Insular mi ta terminá,

Atentamente,



**B.R. Dirksz**

Miembro di Konseho Insular pa MBL.

**MOVEMENTU BONEIRU LIBER**

Passangrahan – Plasa Reina Wilhelmina - Bonaire, Dutch Caribbean

Tel: (599) 717-4008 / Fax: (599) 717-4049 / E-mail address: [movementu@gmail.com](mailto:movementu@gmail.com) / [www.vota-mbl.com](http://www.vota-mbl.com)

Bank: Maduro & Curiel's Bank (Bonaire) N.V. Account number 403.496.01 / Chamber of Commerce number 7687